

# REGULAMENTO DO CONCURSO

## 1. ORGANIZACIÓN

Organizado pola **Federación Frisona Galega** (Fefriga) e a **Fundación Semana Verde de Galicia**, coa colaboración das **Africores** e a **Consellería do Medio Rural**, celebrarase o **XVIII Concurso Autonómico da Raza Frisona “Fefriga 2009”**, entre os días 11 ó 14 de Xuño, nas instalacións do Recinto Feira Internacional de Galicia, en Silleda-Pontevedra.

## 2. FINS

Sendo a Feria Internacional Semana Verde de Galicia, escaparate onde se expoñen e promocionan os últimos adiantos da técnica agrícola e gandeira, os fins que se persiguen coa celebración destes certames son os seguintes:

**2.1.** Estimular aos gandeiros na cría de animais de alta calidade xenética, capaces de producir e reproducirse durante moitos anos, como medio de rendabilizar as súas explotacións.

**2.2.** Orientar aos gandeiros sobre as tendencias actuais de selección e mellora gandeira no ámbito Internacional.

**2.3.** Poñer de manifesto o alto nivel xenético e morfolóxico dos animais criados en Galicia.

**2.4.** Orientar aos nosos xóvenes cara unhas correctas e rendibles tarefas de selección, proporcionándolles coñecementos básicos para desenvolver as mesmas con éxito.

**2.5.** Promocionar as gandeirías participantes para que desta maneira poidan ocupar o lugar que lles corresponde no Mercado Nacional e Internacional de animais selectos.

## 3. COMISIÓN ORGANIZADORA

Corresponde a ésta, a organización e todo o relacionado cos certames e servizos inherentes aos mesmos, así como a aplicación do presente Regulamento.

## 4. XURADOS

Durante a celebración dos certames actuarán os seguintes xurados:

## 4.1. DE ADMISIÓN

O Xurado de admisión está composto por:

- D. Ramiro Fouz Dopacio** (Africor-Lugo)
- D. José Moreira Pardiñas** (Africor-Coruña)
- D. Julio Pérez Filloy** (Fundación Semana Verde)
- D. José Rodríguez López** (Africor-Pontevedra)

Serán misións específicas do Xurado de Admisión as seguintes:

**4.1.1.** Colaborar co Servizo Veterinario de Inspección Sanitaria, para garantir que cada animal se presente coa documentación esixida.

**4.1.2.** Revisar a documentación xenealóxica, a súa correspondencia cos animais presentados e cos datos que figuran na Cédula de Inscripción.

**4.1.3.** Comprobar a preparación e presentación dos animais, e rexeitar aqueles que non alcancen o nivel mínimo esixido, dacordo co prestixio do concurso, e/ou que non teñan en regra toda a documentación.

**4.1.4.** Velar polo cumprimento do disposto neste Regulamento e moi especialmente no que fai referencia aos apartados sobre benestar animal, informando de inmediato á Comisión Organizadora de calquera infracción que puidesen observar.

**4.1.5.** Elevar propostas á Comisión Organizadora sobre cantas modificacións ou medidas consideren necesarias para o mellor desenvolvemento dos concursos e actividades.

## 4.2. DE CUALIFICACIÓN

Estará composto por un só Xuíz, a quen acompañará un axudante de pista, coa fin exclusiva de facilitarlle as listas do gando concursante, preparar a constitución das seccións e suministrarlle cantos datos solicite do gando concursante.

Por acordo da comisión organizadora, os concursos serán xulgados por **D. JAUME SERRABASSA, Juez Internacional de CONAFE.**

Serán misións do Xuíz:

**4.2.1.** A eliminación de pista en cada sección, se procede, daqueles animais que non reúnan as condicións mínimas para o seu xulgamento.

**4.2.2.** Clasificación do resto de animais en cada sección por orde de méritos morfolóxicos, quedando finalmente colocados na pista segundo o devandito orde.

**4.2.3.** Outorgamento dos premios, mencións honoríficas e campionatos que especifica o Programa.

**4.3.** Por parte da Entidade Organizadora, facilitarase aos Xurados cantos medios sexan precisos para mellor realización do seu traballo.

**4.4.** O xurado terá amplas facultades para incluír en seccións distintas aos exemplares que, con arreglo ao Programa do certame, estean situados naquelas que non lles corresponda por razón de idade.

**4.5.** O xurado non poderá crear novos premios sobre os que figuren nas seccións correspondentes do Programa, nin outorgar os que puidesen quedar desertos, sen autorización da Comisión Organizadora.

**4.6.** De igual xeito, se o Xurado considera que nalgunha sección os animais presentados non merecen ser premiados, poderá deixar deserto un, varios ou a totalidade dos premios que a devandita sección ou seccións teñen previstos no Programa.

**4.7.** Unha vez clasificados e premiados os animais de cada sección, o Xurado redactará e firmará a acta correspondente (por triplicado), onde figurarán os animais premiados por orde de categorías.

**4.8.** As decisións do Xuíz cualificador serán inapelables.

**4.9.** Todas aquelas cuestións que excedan ás competencias do Xurado de Admisión e/ou do Xuíz Cualificador, así como calquera incidencia que se presente e non estea prevista neste Regulamento, ou as dúbidas que puidesen existir na interpretación do mesmo, serán resoltas pola Comisión Organizadora do Certame.

## **5. PARTICIPACIÓN**

**5.1.** Poderán participar neste Certame todas as explotacións de Galicia con animais inscritos no Libro Xenealóxico da Raza Frisona Española, facendo a correspondente solicitude á "**FEDERACION FRISONA GALEGA**".

**5.2.** Só se imporán limitacións en canto ao número de exemplares a presentar, cando as solicitudes rebasen as posibilidades de aloxamento de animais, en cuio caso, e tendo en conta de que se trata dun concurso de gando leiteiro, darase preferencia as gandeirías que concurran con animais adultos.

**5.3. Inscripción de animais:** a organización proveerá da correspondente cédula de inscrición, que, unha vez cumplimentada e firmada, deberá ser remitida a: *Federación Frisona Galega (FEFRIGA) – Rúa Melide, 25-27 Baixo – 15705 Santiago – A Coruña.*

**5.4. O prazo de admisión de solicitudes finalizará o día 25 de Maio de 2009.**

## **6. CONDICIÓN XERAIS**

**6.1.** O gando concursante procederá de explotacións de Galicia inscritas no Libro Xenealóxico da Raza Frisona.

**6.2.** Será condición indispensable que todos os animais concursantes (nacionais ou importados) estean inscritos no Libro Xenealóxico da Raza Frisona Española o cal se acreditará coa presentación do correspondente Certificado de Rexistro, igualmente os importados ou mercados en ganderías de fóra de Galicia, deberán de figurar a nome da explotación que os presente, con, polo menos 40 días de antelación á celebración do certame, o cal se acreditará coa presentación do correspondente certificado de rexistro.

**6.3.** As Cartas Xenealóxicas ou Certificados de Rexistro, unha vez examinadas e feitas as comprobacións oportunas polo Comité de Admisión, serán devoltas aos propietarios ou encargados do gando, quen deberán presentalas no caso de que lles foran requeridas dende a organización por calquera motivo.

**6.5.** Como data de referencia para o encadramento dos animais nas diferentes seccións do programa, tomarase o día 31 de Maio de 2009.

## **7. CONDICIÓN SANITARIAS**

As condicións de índole sanitaria esixidas ás explotacións e aos animais para ser admitidos ao Recinto do certame, son as seguintes:

### **7.1. Procedencia**

Todos os animais deberán proceder dunha explotación situada nunha zona indemne de epizootias de declaración obligatoria para as especies receptivas que concurran ao evento. Así mesmo, os animais procederán de explotacións ou zonas que non sexan obxecto de ningunha medida de prohibición por motivos de policía sanitaria e serán transportados en vehículos ou xaulas desinfectados antes da carga, debendo presentarse o correspondente Certificado de Desinfección.

### **7.2. Identificación**

Os animais que concurran ao evento deberán estar identificados individualmente, mediante tatuaxe e/ou crotal auricular ou outros sistemas autorizados con arreglo ao Real Decreto 205/1996, sobre identificación e rexistro dos animais das especies porcina, ovina e caprina, ao Regulamento (CE) 1760/00, sobre identificación e rexistro dos animais da especie bovina e á vixente normativa comunitaria, segundo as especies, e cúa relación se reflexará na correspondente Documentación Sanitaria.

### **7.3. Documentación sanitaria**

Todas as partidas de animais irán provistas da seguinte documentación sanitaria:

- 7.3.1.** Guía de Orixe e Sanidade Pecuaria e Certificado expedido pola correspondente Xefatura de Sanidade e/ou Producción Animal ou Unidade Veterinaria Competente da respectiva Comunidade Autónoma, no que se acredite o cumprimento dos requisitos sanitarios que para cada especie se sinalen no apartado 7.4.
- 7.3.2.** O gando vacun, procedente da Comunidade Autónoma Galega poderá asistir acompañado do documento oficial de calificación sanitaria da explotación, no que figuren rexistrados os animais obxecto de traslado.

### **7.4. Normas de Carácter Específico**

Só poderán concurrir ao evento os animais procedentes de Explotacións Oficialmente Indemnes de Tuberculose, Oficialmente Indemnes de Brucelose e que procedan de rebaños Indemnes de Leucose Enzoótica Bovina, libres de Perineumonía Contaxiosa.

Ademais, nos 30 días anteriores á celebración do evento, os animais da especie bovina que participen na mesma, deberán cumprir os seguintes requisitos:

- 7.4.1.** Os maiores de 6 semanas de idade, desen resultado negativo a unha proba de diagnóstico da Tuberculose segundo o anexo I del R.D.2611/96 modificado polo R.D.1047/2003.
- 7.4.2.** Os maiores de 12 meses, presentasen un resultado favorable a unha das probas de diagnóstico da Brucelose bovina dacordo ao anexo II del R.D.2611/96 modificado polo R.D.1047/2003.
- 7.4.3.** Os animais maiores de 12 meses, deran un resultado favorable a unha das probas de detección da Leucose Enzoótica Bovina das comprendidas no anexo III do R.D.2611/96 modificado polo R.D.1047/2003. Esta proba non será necesaria en caso de proceder dun Territorio, Rexión ou Estado Indemne da Leucose Enzoótica Bovina.
- 7.4.4.** Tuveran resultado negativos á proba serolóxica fronte ao antíxeno de Campbell e Turner (Decisión 90/208/CEE) para a detección de Perineumonía Contaxiosa Bovina.

- 7.4.5. Tiveran resultado negativos ás probas serolóxicas de detección do antixeno da Diarrea Vírica Bovina (BVD), realizadas nun laboratorio oficial. Nos animais menores de 3 meses de idade, a proba será realizada no cartílago auricular.
- 7.4.6. Os animais maiores de 24 meses, tiveran resultado negativos ás probas para a detección de anticorpos fronte ao *Mycobacterium avium paratuberculosis* (Paratuberculosis), realizadas nun laboratorio oficial.
- 7.4.7. Para poder ser vendidos, os animais que asistan ao certame con fins de venda, deberán presentar un resultado negativo ás probas para a detección de anticorpos fronte á Neosporose Bovina, realizadas nun laboratorio oficial.
- 7.4.8. Igualmente, recoméndase aos gandeiros participantes, a vacinación fronte a IBR, cunha vacina marcada, de todos os animais que presenten ao certame.

## **7.5. Medidas específicas en relación coa Lingua Azul.**

- 7.5.1. Os animais non presentarán signos clínicos de lingua azul o día do seu transporte.
- 7.5.2. Os animais obxecto de movemento deberán proceder de explotacións vacinadas.
- 7.5.3. Os animais serán transportados en vehículos de transporte que deberán ser desinsectados antes da carga.
- 7.5.4. A carga e transporte dos animais realizarase, preferentemente nas horas centrais do día ou da noite e, en todo caso, fóra das horas de máxima actividade do vector.
- 7.5.5. Os animais serán tratados previamente ó seu traslado con un desinfectante ou repelente, que garantice a desinsectación dos mesmos durante o transporte.
- 7.5.6. Os animais de máis de catro meses de idade terán sido sometidos a primovacinação fronte ós serotipos 1 e 8 da Lingua Azul con dúas doses separadas entre sí por un período de entre 3 e 4 semanas, sendo necesario neste caso que tiveran transcurrido sesenta días dende a aplicación da segunda dose vacinal, ou ben se tivera realizado unha proba PCR con resultados negativos. Unha vez cumprida unha desas condicións, o prazo máximo de validez para realizar o movemento será de 1 ano, momento a partir do cal o animal tería que ter sido revacinado.
- 7.5.7. Os animais non vacinados que asistan o evento deberán cumprir algunha das seguintes condicións:

- 7.5.7.1.** Que tiveran estado protexidos do ataque de Culicoides durante, como mínimo, 14 días antes da data do traslado, e tiveran sido sometidos durante ese período a unha proba de illamento do virus da Lingua Azul ou unha proba de reacción en cadea da polimerasa (PCR), con resultados negativos, e esta proba deberá terse efectuado con mostras de sangue tomadas, como mínimo, 14 días antes da data do comezo do período de protección contra os ataques de vectores.
- 7.5.7.2.** Que tiveran permanecido dende o seu nacemento protexidos do ataque de Culicoides e tiveran sido sometidos durante este período a unha proba de illamento do virus da Lingua Azul ou unha proba de reacción en cadea da polimerasa (PCR), con resultados negativos.
- 7.5.8.** Os animais deberán permanecer durante todo o tempo que dure o evento, nas instalacións nas que se leve a cabo un adecuado protocolo de desinsectación.

## **7.6. Verificación e inspección**

A verificación da documentación sanitaria, correrá a cargo dos Veterinarios designados pola **Consellería do Medio Rural**. Así mesmo, o personal asignado a este servizo será o encargado da emisión das guías ou documentación sanitaria que ampare aos animais na viaxe de retorno.

**7.7.** Aqueles animais que presenten síntomas de calquera enfermidade, ou os que carezan dalgún dos documentos ou requisitos sanitarios esixidos no regulamento sanitario sobre participación de animais a concursos, subastas e exposicións, non serán autorizados a entrar no recinto feiral.

## **8. TRANSPORTE DE GANDO**

**8.1.** Aboaranse facturas de transporte, previa comunicación do servizo á organización. A tal efecto estableceranse as rutas de recollida máis apropiadas debendo respetarse as mesmas. No caso contrario, compensarase o custo do transporte sempre que non supere a cantidade de 0,30€ por vaca ou 0,12€ por xovenca ou becerria respectivamente e Kilómetro de distancia percorrido entre a Gandeiría de orixe e o Recinto Feiral, computándose só a ida.

**8.2.** É obrigatorio que os vehículos que transporten o gando estean debidamente desinfectados e que o xustifiquen co correspondente TALÓN DE DESINFECCIÓN.

## 9. ENTRADA DE GANDO

**9.1.** A entrada do gando **realizarase entre as 10.00 do día 10 e as 10.00 horas do día 11 de Xuño**, non tendo dereito a entrar os animais que sexan presentados despois da citada hora.

**9.2.** A autorización de entrada do gando nas naves realizarase previa presentación e comprobación da documentación sanitaria esixida. Unha vez admitidos, os animais concursantes deberán, **OBRIGATORIAMENTE**, ocupar as prazas que para eles están reservadas na área do Concurso; aqueles animais que non cumpran con estes requisitos perderán o seu dereito a participar así como todas as axudas ás que, como gando Concurstante, teñan dereito.

**9.3.** Unha vez aloxados os animais nas prazas que a Organización lles asigne, procederase á comprobación da súa documentación Xenealóxica (Certificado de Rexistro). Non se autorizará a participación nos concursos a aqueles animais que carezan da devandita documentación ou estea incompleta, obrigando aos seus propietarios a retiralos da área reservada a concursantes.

**9.4.** Unha vez admitidos, os animais presentados non poderán ser retirados do recinto ata finalizado o Certame salvo caso de enfermidade, accidente ou forza maior que así o aconselle.

**9.5.** A custodia e manexo dos animais así como a súa presentación en pista, correrá a cargo dos seus propietarios, se ben, a organización procurará facilitarlles, no posible, estes cometidos.

**9.6.** Para axilizar as tarefas de lavado, PROHÍBESE EXPRESAMENTE que as áreas destinadas a este cometido permanezan ocupadas por outros animais distintos aos que os respectivos coidadores estean lavando en cada momento.

## 10. SEGURO

**10.1.** A feira proveerá aos animais participantes dun seguro que cubra os riscos de accidentes ou enfermidades producidos como consecuencia da súa participación no concurso exposición.

**10.2.** O mencionado seguro cubrirá os riscos descritos, durante o período de tempo comprendido entre os días 8 e o 28 de Xuño.

**10.3.** Para ter dereito ao cobro da indemnización pertinente, o propietario dun animal enfermo ou accidentado, deberá comunicar inmediatamente á organización, o número de Rexistro Xenealóxico e cadro clínico que presente, para que ésta poida facer as comprobacións necesarias e se o considerase oportuno, ordenar o seu sacrificio, para evitar sufrimentos innecesarios.

**10.4.** Só se consideran amparados polo seguro aqueles animais que figuren na cédula de inscrición.

**10.5.** Para a valoración dos animais a efectos de seguro, adoptarase o seguinte Baremo:

Becerras menores de 1 ano _____	1.500 €
Xovencas de 12 a 18 meses _____	2.000 €
Xovencas de máis de 18 meses _____	2.500 €
Vacas de máis de 2 anos _____	3.200 €
Vacas calificadas MB ou máis _____	4.500 €

Para as femias xestantes de máis de 3 meses contratarase unha póliza complementaria que cubra os riscos de aborto. Só terán dereito a esta cobertura os animais que veñan reseñados na Cédula de Inscrición como xestantes. A indemnización será o 25% do valor asegurado.

## **11. ALIMENTACIÓN E LIMPEZA**

**11.1.** A organización facilitará as cantidades de alfalfa, penso, polpa de remolacha e mestura para vacas de leite, necesarios para a alimentación dos animais.

**11.2.** Suministrarse a todos os participantes palla en cantidade suficiente para as camas do gando exposto, o suministro realizarase diariamente ao peche da feira.

**11.3.** O recambio das camas correrá a cargo dos expositores, este **DEBERÁ SER REALIZADO DURANTE AS HORAS EN QUE PERMANEZA PECHADO AO PÚBLICO O RECINTO FEIRAL E SEMPRE ANTES DAS 8.00 HORAS.**

**11.4.** Os participantes aceptan expresamente, -para facilitar as tarefas de limpeza,- o depositar a palla e o esterco, **EXCLUSIVAMENTE NAS CARRETAS E/OU CONTENEDORES** destinados a esta fin.

**11.5.** O lavado e pelado dos animais realizarase nos puntos que a organización determine e dispoña para este menester, quedando expresamente prohibido o realizalo fóra das devanditas áreas.

## **12. CARTEIS**

Autorízase ás gandeirías participantes, o uso de dous tipos de carteis, (de gandeiría e de identificación) estes deberán estar colocados na parte dianteira das prazas que ocupan os animais, e sempre sen rebasalas. A altura dos mesmos nunca será superior a 1 m.

## **12.1. GANDEIRÍA**

Nel poderá figurar o nome da Gandeiría ou Empresa propietaria dos animais expostos.

No caso de gandeiros particulares e que se presenten a Concurso como Asociación, Cooperativa, S.A.T., etc, poderá figurar o nome da mesma.

## **12.2. IDENTIFICACIÓN**

A feira proveerá ás Gandeirías participantes, os correspondentes carteis de identificación para cada un dos animais expostos, nos que figurará:

NOME DO ANIMAL

CUALIFICACIÓN

Nº Rº Gº

PAI

NAI

PROPIETARIO (\*)

PAÍS DE ORIXE

(\*) En caso de animais propiedade de varios gandeiros, só poderá figurar o nome da Sociedade propietaria ou da explotación en que se atopa o animal.

## **13. PREPARACIÓN DOS ANIMAIS**

**13.1.** Os animais serán preparados da maneira máis natural posible evitando prácticas e/ou produtos que poidan afectar á súa saúde, benestar e/ou morfoloxía.

**13.2.** O enchido e/ou balanceado das ubres realizarase de maneira natural, en base ao leite que produce o propio animal, estando expresamente prohibida a utilización de calquera produto ou substancia que poida alterar o seu aspecto.

**13.3.** A fin de asegurar o cumprimento do disposto no punto anterior, os propietarios dos animais clasificados 1º, 2º e 3º de cada unha das seccións individuais, están obrigados a presentalos na zona que se indique a fin de sometelos ao escaneado da ubre.

**13.4.** Durante a celebración do certame, a organización poderá ordenar a realización do escaneado da ubre de calquera vaca presente no Recinto Feiral.

**13.5.** O non presentar un animal para sometelo ao Scanner da ubre ou o negarse a que se lle realice a devandita proba, dará lugar a súa descalificación e a perda de todos os premios e títulos conseguidos, os cales serán asignados ao seguinte animal clasificado.

## 14. PRESENTACIÓN DO GANDO EN PISTA E EXHIBICIÓNS

**14.1.** A presentación do gando en pista, cantas veces sexan necesarias para a súa calificación, así como a súa participación nas exhibicións que determine a organización, será obrigatoria, debendo ser conducido polos propietarios, presentadores e/ou persoal ao seu cargo.

**14.2.** Será obrigatoria para todos os manexadores que presenten gando en pista, ir uniformados con **CAMISA E PANTALÓN BRANCOS**.

**14.3.** Os animais que non sexan presentados a pista no momento que sexan requeridos para o seu xulgamento serán descualificados.

**14.4.** Para mellor control dos traballos de cualificación, así como para orientación do público en xeral, os animais estarán debidamente identificados con números correlativos, que coincidirán cos do Catálogo do Concurso.

**14.5.** Para poder establecer unha correcta valoración dos animais, a orde de saída a pista será asignado por riguroso orde de idade empezando sempre polos animais máis xóvenes de cada sección.

## 15. ASISTENCIA SANITARIA

Durante a celebración do Certame funcionará no recinto feiral unha clínica veterinaria con servizo gratuito durante as 24 horas do día, á que poderán acudir cantos expositores o precisen, para a atención do seu gando.

## 16. AXUDAS E INCENTIVOS Á PARTICIPACIÓN

**16.1.** Todos os animais colocados en 1º lugar das respectivas seccións, así como os campións e subcampións nos distintos campionatos, serán **fotografiados gratuitamente** por Sylvie Gouin, fotógrafa oficial do concurso.

**16.2. XENÉTICA DE FONTAO** concederá ao animal, -fillo de touros do centro,- mellor clasificado en cada sección individual o seguinte premio:

Becerras (seccións 1, 2, 3 e 4)	100 €
Xovencas (seccións 5, 6 e 7)	200 €
Vacas (seccións 11, 12, 13, 14, 15 e 16)	300 €

Igualmente agasallará a todas as Gandeirías participantes, con **2 doses de XACOBEO**. Ademais, aquelas que participen con 2 ou máis animais, recibirán:

**2 doses de MOES**

**2 doses de CID**

**2 doses de DANCER**

**16.3.** Entre as ganderías concursantes sortearanse **2 EMBRIONS de Bos Igniter DELIA MB87 (1ºp.), por Golden-Oaks ST ALEXANDER ET** procedentes do Programa que **CONSELLERÍA DO MEDIO RURAL e FEDERACIÓN FRISONA GALEGA** desenvolven na Finca de BOS. Os boletos para dito sorteo serán asignados a razón de **un por cada becerro, dous por cada xovenca e tres por cada vaca presentadas a concurso.**



Delia:

**16.4** Todas as gandeirías recibirán un agasallo-recordo dos concursos.

## **17. PREMIOS, TROFEOS E TÍTULOS**

Todos os gandeiros expositores recibirán os diplomas, trofeos, escarapelas e estandartes que se mencionan nas diferentes seccións do programa, destinándose a premios unha cantidade de 10.000 €, distribuídas en base ao seguinte baremo:

**17.1. SECCIÓNS** Escarapela aos 5 primeiros animais clasificados e os premios en metálico seguintes:

	<u>Xovencas</u>	<u>Vacas</u>
1ª	75 €	150 €
2ª	60 €	120 €
3ª	45 €	90 €
4ª	30 €	60 €
5ª	15 €	30 €

**17.1.1.-** Ademais dos premios indicados, en cada unha das seccións de vacas en lactación (11, 12, 13, 14, 15 e 16) concederase o título (único) de Mellor Ubre, que será premiado con escarapela e 150€.

**17.2. CAMPIONATOS** Estandarte e os premios en metálico seguintes:

Campiona 250 € - Subcampiona 200 €

**17.3. GRANDES CAMPIONATOS** Estandarte, trofeo e un premio en metálico dotado con:

Novilla Gran Campiona 500 € - Vaca Gran Campiona 1.000 €

**17.3.1.-** Nos grandes Campionatos (Sec. 10 e 20) outorgarase estandarte á Xovenca e á Vaca “Gran Campiona Reserva” e “Mención de Honra”.

**17.4. MELLOR CRIADOR** Estandarte e os premios en metálico seguintes:

Mellor Criador 500 € - Segundo Criador 400 €


**17.5. PREMIO FEFRIGA '2009'** A Federación Frisona Galega premiará con **2 EMBRIÓNS DA FINCA DE BOS** ás gandeirías que, no Concurso Autonómico acaden cos seus exemplares os títulos seguintes:

**Xovenca Gran Campiona**



**TARA MB88  
X SANCHEZ**

**Vaca Gran Campiona**



**JUDITH MB88  
X SANCHEZ**

**Mellor Criador**



**VALIOSA EX 3\*  
X SHOTTLE**

## **17.6. MELLOR MANEXADOR**

Concederáse este título ao Manexador que ao longo de todo o Certame demostre maior habilidade e profesionalidade no manexo e presentación de animais en pista.

## **18. NOTA DE INTERESE**

Ao importe dos premios en metálico que superen os 300 €, aplicaráselle a retención correspondente, regulada no R.D. 2717/98 do 18 de Decembro sobre retencións e ingresos a conta en Impostos sobre a Renda das Persoas Físicas e sobre Sociedades.

## **19. DISPOSICIÓNS FINAIS**

**19.1.** En caso de que, nalgunha sección non se presentaran máis de 3 animais, a sección será anulada e os animais nela inscritos serán, -dependendo da súa idade,- incluídos na sección anterior ou posterior.

**19.2.** As decisións do Xuíz serán inapelables, polo tanto a participación nos certames supón acatalas respetuosamente.

**19.3.** A Comisión Organizadora decidirá sobre todos aqueles asuntos non contemplados no presente regulamento, así mesmo interpretará e decidirá, de maneira inapelable, sobre todas aquelas cuestións que se poidan plantexar na interpretación do mesmo.

**19.4.** A participación supón a aceptación de todas as normas e preceptos recollidos neste regulamento.

## \* SECCIÓNS DO CONCURSO \*

### **SEC. 1: BECERRAS DE 4 A 7 MESES**

Son as femias nadas entre o día 1 de Outubro de 2008 ó 31 de Xaneiro de 2009.

### **SEC. 2: BECERRAS DE 8 A 10 MESES**

Son as femias nadas entre o día 1 de Xullo de 2008 ó 31 de Setembro de 2008.

### **SEC. 3: BECERRAS DE 11 A 13 MESES**

Femias nadas entre o día 1 de Abril de 2008 e o 30 de Xuño de 2008.

### **SEC. 4: BECERRAS DE 14 A 16 MESES**

Femias nadas entre o día 1 de Xaneiro de 2008 e o 31 de Marzo de 2008.

### **SEC. 5: XOVENCAS DE 17 A 19 MESES**

Son as femias, nadas entre o día 1 de Outubro de 2007 e o 31 de Decembro de 2008.

### **SEC. 6: XOVENCAS DE 20 A 22 MESES**

Son as femias non paridas nadas entre o 1 de Xullo e o 31 de Setembro de 2007.

### **SEC. 7: XOVENCAS DE 23 A 26 MESES**

Son as femias non paridas nadas entre o 1 de Marzo e o 30 de Xuño de 2007.

### **SEC. 8: BECERRA CAMPIONA DE GALICIA**

Competirán as dúas primeiras femias, clasificadas nas seccións 1ª, 2ª, 3ª e 4ª. Concederanse os títulos de "**BECERRA CAMPIONA DE GALICIA e SUBCAMPIONA DE GALICIA 'FEFRIGA 2009'**".

### **SEC. 9: XOVENCA CAMPIONA DE GALICIA**

Competirán as dúas primeiras femias, clasificadas nas seccións 5ª, 6ª e 7ª. Concederanse os títulos de "**XOVENCA CAMPIONA DE GALICIA e SUBCAMPIONA DE GALICIA 'FEFRIGA 2009'**".

### **SEC. 10: XOVENCA GRAN CAMPIONA DE GALICIA**

Competirán a Campiona e Subcampiona da sección 8 (Becerra Campiona) e 9 (Xovenca Campiona). Outorgaranse os títulos de "**XOVENCA GRAN CAMPIONA, RESERVA GRAN CAMPIONA e MENCIÓN DE HONRA 'FEFRIGA 2009'**".

**SEC. 11: VACA XOVEN LACTACION ATA 30 MESES**

Son as femias en lactación, nadas a partir do día 1 de Decembro do 2006 inclusive.

**SEC. 12: VACA XOVEN LACTACION DE 31 A 36 MESES**

Son as femias en lactación, nadas entre o día 1 de Xuño e o 30 de Novembro de 2006.

**SEC. 13: VACA INTERMEDIA EN LACTACION (3 ANOS)**

Son as femias en lactación, nadas entre o día 1 de Xuño de 2005 e o 31 de Maio de 2006.

**SEC. 14: VACA INTERMEDIA LACTACIÓN 4 ANOS**

Son as femias en lactación, nadas entre o día 1 de Xuño de 2004 e o 31 de Maio de 2005.

**SEC. 15: VACA ADULTA LACTACIÓN DE 5 ANOS**

Son as femias en lactación, nadas entre o día 1 de Xuño de 2003 e o 31 de Maio de 2004.

**SEC. 16: VACA ADULTA LACTACIÓN DE 6 ANOS OU MÁIS**

Son femias en lactación, nadas antes do 1 de Xuño de 2003.

**SEC. 17: VACA XOVE CAMPIONA DE GALICIA**

Competirán as dúas primeiras femias, clasificadas nas seccións 11<sup>a</sup> e 12<sup>a</sup>. Concederanse os títulos de "**VACA XOVE CAMPIONA DE GALICIA e SUBCAMPIONA DE GALICIA 'FEFRIGA 2009'**".

**SEC. 18: VACA INTERMEDIA CAMPIONA DE GALICIA**

Competirán as dúas primeiras femias, clasificadas nas seccións 13<sup>a</sup> e 14<sup>a</sup>. Concederanse os títulos de "**VACA INTERMEDIA CAMPIONA DE GALICIA e SUBCAMPIONA DE GALICIA 'FEFRIGA 2009'**".

**SEC. 19: VACA ADULTA CAMPIONA DE GALICIA**

Competirán as dúas primeiras femias, clasificadas nas seccións 15<sup>a</sup> e 16<sup>a</sup>. Concederanse os títulos de "**VACA ADULTA CAMPIONA DE GALICIA e SUBCAMPIONA DE GALICIA 'FEFRIGA 2009'**".

**SEC. 20: VACA GRAN CAMPIONA DE GALICIA**

Competirá a Campiona e Subcampiona das seccións 17<sup>a</sup>, 18<sup>a</sup> e 19<sup>a</sup>. Outorgaranse os títulos de "**VACA GRAN CAMPIONA DE GALICIA, RESERVA GRAN CAMPIONA e MENCIÓN DE HONRA 'FEFRIGA 2009'**".

**SEC. 21: MELLOR CRIADOR DE GALICIA**

Competirán grupos de tres femias nadas nunha mesma explotación de Galicia, aínda que na actualidade sexan propiedade doutros gandeiros. Concederanse os títulos de "**MELLOR CRIADOR e SEGUNDO CRIADOR DE GALICIA 'FEFRIGA 2009'**".